

**ხელშეკრულება**  
სახელმწიფო შესყიდვის შესახებ №01-08/2  
(კონსოლიდირებული ტენდერი CON170000039)

ქ. თბილისი

31 იანვარი, 2019 წელი

ერთის მხრივ საქართველოს განათლების, მეცნიერების კულტურისა და სპორტის სამინისტრო (შემდგომში „შემსყიდველი“), წარმოდგენილი ეკონომიკური დეპარტამენტის უფროსის მართავამის სახით და მეორეს მხრივ შპს „იუ-ჯი-თი“ (შემდგომში „მიმწოდებელი“), წარმოდგენილი მისი გენერალური დირექტორის, ერმილე სულაძის სახით, ვოლქემდებთ „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგნენტოს თავმჯდომარის 2017 წლის 11 აპრილის №10 ბრძანებით დამტკიცებული „სხვადასხვა სახის პრინტერებისა და კარტრიჯების კონსოლიდირებული ტენდერების ჩატარების წესისა და პირობების“, „სხვადასხვა სახის პრინტერებისა და კარტრიჯების სახელმწიფო შესყიდვის კონსოლიდირებული ტენდერების საშუალებით განხორციელების თაობაზე“ საქართველოს მთავრობის 2017 წლის 4 აპრილის №690 განკარგულების, კონსოლიდირებული ტენდერის სატენდერო დოკუმენტაციისა და საქართველოში მოქმედი კანონმდებლობის საფუძველზე, ვდებთ წინამდებარე ხელშეკრულებას შემდეგზე:

## 1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და „მიმწოდებელს“ შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომელებზეც ხელშეკრულებაში არის მინიჭნებები.

1.1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ „მიმწოდებლის“ მიერ ხელშეკრულებით ნაკისრი ვალდებულებების შესრულებისათვის;

1.1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს სახელმწიფო შესყიდვას;

1.1.4. „მიმწოდებელი“ ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

1.1.6. სამუშაო დღე ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმებ დღეების გარდა.

1.1.7. თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე.

1.1.8. სატენდერო დოკუმენტაცია - 2017 წლის 12 აპრილის A4 ფორმატის „B“ ტიპის მრავალფუნქციური შავ-თეთრი ლაზერული პრინტერებისა და მათვის განკუთვნილი ორიგინალი ტონერიანი კარტრიჯების 2017-2018 წლების კონსოლიდირებული ტენდერის სატენდერო დოკუმენტაცია, რომელიც შესაძლოა დანართის სახით ფიზიკურად არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს.

## 2. ხელშეკრულების საგანი

ხელშეკრულების საგანია შემსყიდველის მიერ A4 ფორმატის „B“ ტიპის მრავალფუნქციური შავ-თეთრი ლაზერული პრინტერისთვის განკუთვნილი 300 ცალი ტონერიანი კარტრიჯის (CVP 30125100) (შემდგომში „საქონელი“) სახელმწიფო შესყიდვა დანართი #1-ის და წინამდებარე ხელშეკრულებით გათვალისწინებული პირობების შესაბამისად.

## 3. სახელშეკრულებო ღირებულება

3.1. ხელშეკრულების საერთო ღირებულებაა (შემდგომში „სახელშეკრულებო ღირებულება“) 23598.00 (ოცდასამი ათას სუთას ოთხმოცდათვერამეტი) ლარი დღე-ს ჩათვლით.

3.2. ერთი ერთეული ტონერიანი კარტრიჯის ღირებულება შეადგენს 78.66 (სამოცდათვრამეტი ლარი 66 თეთრი) ლარს.

3.3. სახელშეკრულებო ღირებულება მოიცავს საქართველოს კანონმდებლობით დადგენილ ყველა გადასახადს.

#### 4. მხარეთა ვალდებულებები

##### 4.1. მიწოდებელი ვალდებულია:

- 4.1.1. უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულებითა და სატენდერო დოკუმენტაციით დადგენილი პირობების შესაბამისად;
- 4.1.2. განიხილოს შემსყიდველის პრეტენზიები და მიაწოდოს პასუხი ყველა საკითხზე;
- 4.1.3. ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით ან ელექტრონული ფოსტის მეშვეობით;
- 4.1.4. ხელი შეუწყოს შემსყიდველს ინსპექტირების განხორციელებისას;
- 4.1.5. განახორციელოს ამ ხელშეკრულებითა და სატენდერო დოკუმენტაციით მასზე დაკისრებული სხვა ვალდებულებები.

##### 4.2. შემსყიდველი ვალდებულია:

- 4.2.1. აუნაზღაუროს მიწოდებელს ხელშეკრულების ღირებულება ხელშეკრულების პირობებში ასახულ ვადებში და ფორმით.
- 4.2.2. განახორციელოს ამ ხელშეკრულებითა და სატენდერო დოკუმენტაციით მასზე დაკისრებული სხვა ვალდებულებები.

#### 5. ხელშეკრულების შესრულების კონტროლი

- 5.1. შემსყიდველის მხრიდან შესყიდვების კონტროლს (ინსპექტირებას) განახორციელებს საბუღალტრო აღრიცხვისა და მატერიალურ-ტექნიკური უზრუნველყოფის დეპარტამენტის, მატერიალურ-ტექნიკური უზრუნველყოფის სამმართველოს საინფორმაციო ტექნოლოგიების მენეჯერი, სამეცნ კარაპეტიანი.
- 5.2. ხელშეკრულების პირობებთან შესაბამისობის დადგენის მიზნით, „შემსყიდველი“ უფლებამოსილია საქონლის მოწოდებისას საკუთარი ხარჯით, მის მიერ შერჩეული მეთოდით შეამოწმოს მოწოდებული საქონლის ხარისხი.

#### 6. საქონლის მიწოდების პირობები, ადგილი და ვადები

- 6.1. შესყიდვის ობიექტის მიწოდების ვადა „შემსყიდველის“ მიერ მისი მოთხოვნიდან არაუგვიანეს 15 (თხუთმეტი) სამუშაო დღე. „შემსყიდველის“ მიერ საქონლის მოთხოვნა უნდა განხორციელდეს ხელშეკრულების გაფორმების შემდეგ ელ. ფოსტის მეშვეობით („შემსყიდველის“ ელ. ფოსტის მისამართი: samvel@mes.gov.ge; „მიწოდებლის“ ელ. ფოსტის მისამართი: Giorgi.Londaridze@ugt.ge);
- 6.2. შესყიდვის ობიექტის მიწოდების ადგილია: ქ. თბილისი, ი. ჭავჭავაძის გამზ. №17ა;
- 6.3. „მიწოდებელი“ ვალდებულია „შემსყიდველს“ მიწოდოს საქონელი ქარხნული წესით შეფუთულ მდგომარეობაში;
- 6.4. თუკი საქონლის მიწოდების ბოლო დღე ემთხვევა არასამუშაო დღეს, მაშინ საქონლის მიწოდება განხორციელდება მომდევნო სამუშაო დღეს.
- 6.5. „მიწოდებლის“ სატენდერო წინადადება მაღაშია 2020 წლის 30 აპრილის ჩათვლით;

#### 7. შესყიდვის ობიექტის მიღება-ჩაბარების წესი

- 7.1. ხელშეკრულებით გათვალისწინებული საქონლის მიწოდებისას შეარებს შორის ფორმდება მიღება-ჩაბარების აქტი და მიწოდებული საქონელი ჩაითვლება ჩაბარებულად;
- 7.2. შემსყიდველის მხრიდან საქონლის მიღებასა და მიღება-ჩაბარების აქტის ხელმოწერაზე უფლებამოსილი პირია საბუღალტრო აღრიცხვისა და მატერიალურ-ტექნიკური უზრუნველყოფის დეპარტამენტის, მატერიალურ-ტექნიკური უზრუნველყოფის სამმართველოს უფროსი, ხოლო მისი არყოფნის შემთხვევაში - შესაბამისად უფლებამოსილი წარმომადგენელი.

## 8. გარანტია

8.1. საქონლის ვარგისიანობის ვადა განისაზღვრება 1 წლით, იმ შემთხვევაში თუ შემსყიდველის მიერ დაცული იქნა სწორი ექსპლუატაციის წესები.

8.2. იმ შემთხვევაში, თუ მიმწოდებლის მიერ შემოთავაზებულ სტანდარტულ ორიგინალ კარტრიჯში არ არის ინტეგრირებული ე.წ. „ბარაბანი“, მიმწოდებელი ვალდებულია შემსყიდველი თრგანიზაცია უსასყიდლოდ უზრუნველყოს ბარაბნით, შემსყიდველის მიერ ყოველი კონკრეტული რაოდენობის სტანდარტული ორიგინალი კარტრიჯების შეძენისას. აღნიშნული კონკრეტული რაოდენობა დგინდება მწამოებლის ოფიციალური რეკომენდაციით, რომლითაც იგი განსაზღვრავს გვერდების იმ რაოდენობას, რომლის დაბეჭდვის შემდგომაც საჭიროა ბარაბნის გამოცვლა.

## 9. ანგარიშსწორება

9.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2. შემსყიდველი იღებს ვალდებულებას გადაუხადოს მიმწოდებელს საქონლის ღირებულება მიღება-ჩაბარების აქტის გაფორმებიდან არაუგვიანეს 5 (ხუთი) სამუშაო დღისა. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9.3. დაფინანსების წყაროს წარმოადგენს საქართველოს განათლების, მეცნიერების, კულტურისა და სპორტის სამინიტროს 2019 წლის სახელმწიფო ბიუჯეტი („განათლების, მეცნიერების, კულტურისა და სპორტის სფეროში სახელმწიფო პოლიტიკის შემუშავება“ (პროგრამული კოდი 320101).

## 10. ხელშეკრულების პირობების შეუსრულებლობა

10.1 „მიმწოდებლის“ მიერ კანონმდებლობითა და კონსოლიდირებული ტენდერის შედეგად წაკისრი ვალდებულებების შეუსრულებლობის ან/და არაჯეროვანი შესრულების შემთხვევაში შემსყიდველი ორგანიზაცია მიმართავს სატენდერო კომისიას ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

10.2 სატენდერო კომისიის მიერ ხელშეკრულების შეწყვეტის შესახებ რეკომენდაციის გაცემის შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც „მიმწოდებელს“ დაეკისრება შემსყიდველი ორგანიზაციის სასარგებლოდ საჯარიმო თანხის გადახდა კონკრეტული ხელშეკრულებით შესასყიდი (დარჩენილი) სტანდარტული კარტრიჯის ხელშეკრულებით განსაზღვრული საორიენტაციო ღირებულების 20%-ის ოდენობით.

10.3 საქონლის მიწოდების ვადის დარღვევის შემთხვევაში, შემსყიდველი ორგანიზაცია უფლებამოსილია მოსთხოვოს „მიმწოდებელს“ გადაიხადოს პირგასამტებლო ყოველ ვადაგადაცილებულ დღეზე მისაწოდებელი საქონლის ღირებულების 0,2 პროცენტის ოდენობით, ხოლო იმ შემთხვევაში თუ დაკისრებული პირგასამტებლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველ თრგანიზაციის უფლება აქვს მიმართოს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

10.4 ანგარიშსწორების ვადის დარღვევის შემთხვევაში, „მიმწოდებელი“ უფლებამოსილია მოსთხოვოს შემსყიდველ თანხის 0,2 პროცენტის ოდენობით.

10.5 „შემსყიდველს“ უფლება აქვს ცალმხრივად შეწყვიტოს ხელშეკრულების მოქმედება აგრეთვე;

10.5.1. „მიმწოდებლის“ გაკოტრების შემთხვევაში;

10.5.2. საქართველოს კანონმდებლობით გათვალისწინებულ სხვა შემთხვევებში;

10.6 პირგასამტებლოს გადახდა არ ათავისუფლებს მხარეებს მირითადი ვალდებულებების შესრულებისაგან;

## 11. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2019 წლის 25 დეკემბრის ჩათვლით.

## 12. ხელშეკრულების პირობების გადასინჯვის შესაძლებლობა

12.1 ბაზრის კონიუნქტურის გათვალისწინებით ან დაინტერესებული პირის მხრიდან წერილობითი მიმართვის შემთხვევაში, შემსყიდველი უფლებამოსილია წელიწადში ორჯერ გადახედოს „მიმწოდებლის“ მიერ შემოთავაზებული ერთი ერთეული სტანდარტული პრინტერისა და ერთი გვერდის ბეჭდვის ფასს და ბაზარზე შესაბამისი გარემოებების არსებობის შემთხვევაში განიხილოს მისაწოდებელი საქონლის ერთეულის ფასის ცვლილება.

12.2 თუ რამე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია 10 (ათი) დღით ადრე წერილობით შეატყობინოს მეორე მხარეს შესაბამისი ინფორმაცია.

## 13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

13.2 ამ მუხლის მიზნებისათვის „ფორს-მაჟორი“ ნიშავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ ან/და „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდება მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 14. სადაც საკითხების გადაწყვეტა

14.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნეს ერთობლივი მოლაპარაკების საფუძველზე;

14.2 შეთანხმების მიუღწევლობის შემთხვევაში მხარეები მიმართავენ საქართველოს საერთო სასამართლოებს საქართველოს კანონმდებლობის საფუძველზე.

## 15. სხვა პირობები

15.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;

15.2 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი „მიმწოდებელთან“, ხოლო ერთი „შემსყიდველთან“). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

15.4 ხელშეკრულებში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს.

16 . მხარეთა იურიდიული მისამართები და რეკვიზიტები

შემსყიდველი:

საქართველოს განათლების, მეცნიერების,  
კულტურისა და სპორტის სამინისტრო  
ს/კ – 202051224  
მისამართი: ქ. თბილისი, დ. უზნაძის №52  
ტელეფონი: 2 200220  
საბანკო რეკვიზიტები:  
ანგ. # GE24NB0330100200165022,  
სახელმწიფო ხაზინა, კოდი: TRESGE22,

მიმწოდებელი:

შპს „იუ-ჯი-თი  
ს/კ – 204892964  
მისამართი: ქ. თბილისი, ი.ჭავჭავაძის გამზ №17ა  
ტელეფონი: 2 220505  
საბანკო რეკვიზიტები:  
ანგ.№ GE88BG0000000261644601,  
სს „საქართველოს ბანკი”, კოდი: BAGAGE22,



სელშეკრულება სახელმწიფო შესყიდვის შესახებ №

დანართი №1

ფასების ცხრილი

№	შესყიდვის ობიექტის დასახელება	ბრენდისა და მოდელის დასახელება	რ-ბა	ერთულის ფასი (ლარი)	საერთო ღირებულება (ლარი)
1	ორიგინალი კარტრიჯი	HP 33A Original Black LaserJet Toner Cartridge	300	78.66	23598.00
სულ დღგ-ს ჩათვლით:					23598.00

შემსყიდველი:

საქართველოს განათლების, მეცნიერების, კულტურისა  
და სპორტის სამინისტრო  
წარმოდგენილი ეკონომიკური  
დეპარტამენტის უფროსის  
მართამ ტაძარების სახით



მიმწოდებელი:

შპს „იუ-ჯი-თი

წარმოდგენილი გენერალური დირექტორის  
ერმილე სულამის სახით

